

ხელშეკრულება
სახელმწიფო შესყიდვების შესახებ N 10 18/10/39

ქ. თბილისი

2023 წელი

1. ხელშეკრულების დამდები მხარეები

ერთის მხრივ, „სსიპ - თბილისის ტრანსპორტისა და ურბანული განვითარების სააგენტო“ ს/ნ 205393689 (შემდგომში „შემსყიდველი“) წარმოდგენილი მისი უფროსის მოვალეობის დროებით შემსრულებლის ოთარ ჩიტაძის სახით, მეორეს მხრივ, შპს „ტელკო სისტემს“ ს/ნ 205203279 (შემდგომში „მიმწოდებელი“), წარმოდგენილი მისი დირექტორის ირაკლი გულიაშვილის სახით, საქართველოში მოქმედი კანონმდებლობის, „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის, „ს“ ქვეპუნქტის შესაბამისად და მათი გათვალისწინებით გამარტივებული შესყიდვის საშუალებით, შეთანხმდნენ შემდეგზე:

2. ხელშეკრულების (შესყიდვის) ობიექტი, შესყიდვის საშუალება და ხელშეკრულების ღირებულება

- 2.1 ხელშეკრულების (შესყიდვის) ობიექტია: ტელეფონების და ყურსასმენების სახელმწიფო შესყიდვა.
- 2.2 რაოდენობა: ფასების ცხრილის (დანართი N1) მიხედვით;
- 2.3 შესყიდვის საშუალება: გამარტივებული შესყიდვა, მონეტარული ზღვრის დაცვით;
- 2.4 ხელშეკრულების ღირებულება: 4,366.17 ლარი, ყველა ხარჯისა და გადასახადის ჩათვლით.
- 2.5 კლასიფიკატორის კოდი (CPV): 32552100 - ტელეფონის აპარატები და 32342200 - ყურსასმენები/საყურისები (პატარა ზომის);

3. შესასყიდი ობიექტის ხარისხი, საგარანტიო ვადა და პირობები

- 3.1 მიმწოდებელი იღებს პასუხისმგებლობას, რომ მოწოდებული საქონელი შეესაბამება „შემსყიდველი“-ის მოთხოვნებს და ხელშეკრულებით გათვალისწინებულ პირობებს;
- 3.2 მიმწოდებელი აცხადებს, რომ შესასყიდი საქონელი არის უფლებრივად და ნივთობრივად უნაკლო და იღებს პასუხისმგებლობას მისი წარმოშობის კანონიერებაზე;
- 3.3 საგარანტიო პერიოდი:
 - 3.3.1 ტელეფონებზე საგარანტიო პერიოდი შეადგენს მიღება-ჩაბარების აქტის გაფორმების დღიდან 2 (ორი) წელს.
 - 3.3.2 ყურსასმენებზე საგარანტიო პერიოდს შეადგენს მიღება-ჩაბარების აქტის გაფორმების დღიდან 6 (ექვსი) თვეს.

4. შესყიდვის ობიექტის მიწოდების ვადა, ადგილი და პირობები

- 4.1 შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 2 (ორი) სამუშაო დღის განმავლობაში.
- 4.2 მიწოდების ადგილი: ქ. თბილისი გ. ცაბაძის ქ. N17ა.
- 4.3 შესყიდვის ობიექტის მიწოდებას „მიმწოდებელი“ უზრუნველყოფს საკუთარი ხარჯებით და ტექნიკური საშუალებებით.

5. შესასყიდი ობიექტის მიღება-ჩაბარების წესი

- 5.1 შესასყიდი ობიექტის მიღება ხორციელდება „შემსყიდველისა“ და „მიმწოდებლის“ უფლებამოსილი წარმომადგენლების მიერ ხელმოწერილი მიღება-ჩაბარების აქტით, რაც ასევე ადასტურებს მიმწოდებლის მიერ ნაკისრი ვალდებულებების ან მისი ნაწილის შესრულებას;
- 5.2 საქონლის მიღება-ჩაბარების აქტის გაფორმებაზე უფლებამოსილი პირ(ებ)ი არის „სსიპ - თბილისის ტრანსპორტისა და ურბანული განვითარების სააგენტოს“ შესაბამისი თანამშრომელი.
- 5.3 მიღება-ჩაბარების აქტის გაფორმებასთან ერთად ან/და მისი გაფორმების შემდეგ, „მიმწოდებელი“ ვალდებულია წარმოუდგინოს „შემსყიდველს“ საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

6. ანგარიშსწორების წესი და პირობები

- 6.1 მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში - ლარში;

6.2 შესასყიდი ობიექტის ღირებულება დაიფარება მიღება-ჩაბარების აქტის გაფორმებიდან არა უგვიანეს 10 (ათი) სამუშაო დღისა, გარდა წინამდებარე ხელშეკრულების „6.3“ პუნქტის შემთხვევისა.

6.3 იმ შემთხვევაში, თუ ამ ხელშეკრულების მე-8 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარულ დღეში მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება-ჩაბარების აქტით განსაზღვრული მიწოდებული შესყიდვის ობიექტის ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა შემსყიდველის მიერ დაქვითულ იქნეს, რის შემდეგაც მიმწოდებელს ჩაერიცხება დარჩენილი თანხა.

7. მხარეთა უფლება-მოვალეობანი

7.1 „შემსყიდველი“ ვალდებულია:

7.1.1 ხელშეკრულებით გათვალისწინებული საქონლის მიწოდებისას საქმის კურსში ჩააყენოს „მიმწოდებელი“ ყველა განსაკუთრებული გარემოების შესახებ;

7.1.2 ხელშეკრულებით გათვალისწინებული პირობების შესაბამისად აუნაზღაუროს „მიმწოდებელს“ საქონლის ღირებულება;

7.2 „შემსყიდველს“ უფლება აქვს:

7.2.1 შეამოწმოს მიწოდებული საქონლის ხარისხის შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

7.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

7.2.3 მოსთხოვოს „მიმწოდებელს“ ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

7.2.4 მოსთხოვოს „მიმწოდებელს“ ნაკლოვანი ან უხარისხო საქონლის შეცვლა ან ნაკლის აღმოფხვრა.

7.3 „მიმწოდებელი“ ვალდებულია:

7.3.1 დაიცვას ხელშეკრულებით გათვალისწინებული ყველა პირობა;

7.3.2 მიაწოდოს შემსყიდველს ამ ხელშეკრულების მე-2 მუხლში და დანართი N1-ში მითითებული საქონელი და მასთან დაკავშირებული დოკუმენტები საკუთრებაში;

7.3.3 ხელშეკრულებით გათვალისწინებული საქონლის მიწოდებისას საქმის კურსში ჩააყენოს „შემსყიდველი“ ყველა განსაკუთრებული გარემოების შესახებ;

7.3.4 აუნაზღაუროს „შემსყიდველს“ ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

7.3.5 საკუთარი ხარჯებით შეცვალოს შემსყიდველის მიერ გამოვლენილი უხარისხო/ნაკლოვანი საქონელი ან აღმოფხვრას არსებული ნაკლი.

7.4 „მიმწოდებელს“ უფლება აქვს:

7.4.1 მოსთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;

7.4.2 მოსთხოვოს „შემსყიდველს“ ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8. ხელშეკრულების პირობების შეუსრულებლობა

8.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო ხელშეკრულების ღირებულების 0.02%-ის ოდენობით;

8.2 იმ შემთხვევაში, თუ ხელშეკრულებით ნაკისრი ვალდებულებების შესრულებისათვის დაგვიანებული დღეების რაოდენობა გადააჭარბებს 20 კალენდარულ დღეს შემსყიდველს უფლება აქვს ცალმხრივად შეწყვიტოს ხელშეკრულება;

8.3 ხელშეკრულებით ნაკისრი ვალდებულებების არასრულად შესრულებისთვის, ხელშეკრულების შეწყვეტის შემთხვევაში, მიმწოდებელი ჯარიმდება ხელშეკრულების ჯამური ღირებულების 5%-ის ოდენობით;

8.4 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან;

8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 10 (ათი) კალენდარული დღის

ვადაში.

9. ხელშეკრულების ინსპექტირების პირობები

9.1 „შემსყიდველს“ ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე და განახორციელოს მოწოდებული საქონლის ხარისხის და ხელშეკრულებასთან შესაბამისობის ინსპექტირება;

9.2 „მიმწოდებელი“ ვალდებულია საკუთარი რესურს(ებ)ით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;

9.3 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

9.4 თუ აღმოჩნდება, რომ შესყიდვის საგანი უხარისხო ან ნაკლოვანია, მიმწოდებელი უზრუნველყოფს ნაკლოვანი ან უხარისხო საქონლის შეცვლას;

9.5 ხელშეკრულებით განსაზღვრული პირობების კონტროლს განახორციელებს „სსიპ - თბილისის ტრანსპორტისა და ურბანული განვითარების სააგენტოს“ შესაბამისი თანამშრომელი.

10. ხელშეკრულების შეწყვეტა

10.1. ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

10.2. მიმწოდებელი ვალდებულია ხელშეკრულების შეწყვეტის შესახებ ერთი თვით ადრე წერილობითი შეტყობინების გზით აცნობოს შემსყიდველს.

10.3. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

10.5. შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

10.5.1. მიმწოდებლის მიერ ხელშეკრულებით ნაკისრი ვალდებულებების შესრულების ვადის 15 კალენდარულ დღეზე მეტი ვადით გადაცილების შემთხვევაში;

10.5.2. მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;

10.5.3. საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

10.6. წინამდებარე ხელშეკრულების 10.5 პუნქტით გათვალისწინებული პირობების შემთხვევაში, შემსყიდველი უფლებამოსილია ხელშეკრულების შეწყვეტამდე ერთი თვით ადრე აცნობოს მიმწოდებელს.

10.7. ურთიერთშეთანხმების საფუძველზე.

11. ხელშეკრულებაში ცვლილებების შეტანა

11.1 მხარეები უფლებამოსილი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

11.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

11.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები „შემსყიდველი“ ორგანიზაციისათვის ან/და იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა;

11.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა;

11.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, წერილობითი ფორმით, რომელიც ჩაითვლება ხელშეკრულების განუყოფელ ნაწილად.

12. ფორს-მაჟორი

12.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორს-მაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

12.2 ამ მუხლის მიზნებისათვის “ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან;

12.4 იმ შემთხვევაში თუ ფორს-მაჟორული გარემოებების დადგომის გამო იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

13. ხელშეკრულების მოქმედების ვადა

13.1 ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 31 აგვისტოს ჩათვლით;

14. დავები და მათი გადაწყვეტის წესი

14.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ;

14.2 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ურთიერთობა ხელშეკრულების დამდებ მხარეებს შორის

15.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით, სადაც გაგზავნილი შეტყობინება/დაკვეთა ჩაითვლება ოფიციალურ დაკვეთად. შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. ამასთან ტელეფონით დაკვეთის შემთხვევაში მიმწოდებელს 24 საათის განმავლობაში ჩართული უნდა ჰქონდეს 15.2 პუნქტში მითითებული მობილური და ქალაქის ტელეფონის ნომრები;

15.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

- ა) მიმწოდებლის შემდეგი რეკვიზიტები: ტელეფონის ნომერი: 0322192999, ელექტრონული ფოსტა: : ig@telco.ge.
- ბ) შემსყიდველის შემდეგი რეკვიზიტები: ტელეფონის ნომერი 595 97 77 25; საკონტ. პირი გიორგი ჯანელიძე, ელექტრონული ფოსტა: G.Janelidze@tbilisi.gov.ge.

16. სხვა პირობები

16.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2. ხელშეკრულება შედგენილია ქართულ ენაზე, 1 ეგზემპლარად, რომელზეც დატანილია ორივე მხარის ელექტრონული ხელმოწერა/შტამპი და აქვს იურიდიული ძალა. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. ნებისმიერი ცვლილება ან/და დამატება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლის ხელმოწერით.

16.4. „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

16.5. „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

17. მხარეთა ხელმოწერები და რეკვიზიტები

“შემსყიდველი”

„სსიპ – თბილისის ტრანსპორტისა და ურბანული
განვითარების სააგენტო“
მის: ქ. თბილისი, ყ. შარტავას ქ. N7
საიდ. კოდი: 205393689
საბანკო რეკვიზიტები:
სახელმწიფო ხაზინა
კოდი: TRESGE22
ა/ა GE24NB0330100200165022

“მიმწოდებელი”

შპს “ტელკო სისტემს”

მის: ქ. თბილისი, ყაზბეგის გამზ 29ა
საიდ. კოდი: 205203279
საბანკო რეკვიზიტები:
სს „თიბისი ბანკი“
კოდი: TBCBGE22
ა/ა: № GE75TB4021536020100006

სააგენტოს უფროსის მოვალეობის დროებით

შემსრულებელი
/თარ ჩიტძე/


დირექტორი

/ირაკლი გულიაშვილის/

ფასების ცხრილი

N	შესყიდვის ობიექტის დასახელება	ტექნიკური მახასიათებლები	რ-ბა	ერთეულის ფასი	ჯამური ღირებულებ.
1	ტელეფონი	სისტემა: ლინუქსი; ეკრანი: 3.5 ინჩი 420x320მმ ფერადი ეკრანი; პორტები: 2x 10/100 მბ/წმ; DSS ღილაკები: 21 (8 ფიზიკური ღილაკი); SIP ხაზი: 6; სატელეფონო ცნობარი: 1000 ერთეული; სატელეფონო კონფერენცია: 6 მხრივი კონფერენცია; ფართოზოლოვანი კოდეკები: G.722, Opus; ვიწროზოლოვანი კოდეკები :G.711, G.723.1, G.726, G.729A/B, iLBC; USB: USB Type A x 1, Connect with USB headset & USB; Bluetooth: Bluetooth 4.2; WiFi: ჩაშენებული 2.4GHz & 5GHz; Poe მხარდაჭერით; ქსელი: 10/100/1000 Mbps; EHS მხარდაჭერით; IPv6 მხარდაჭერით;	7	274.73	1923.11
2	კვების ბლოკი	შემავალი ძაბვა: 100-240V - 50/60Hz 0.3A გამომავალი ძაბვა: 5V-2A	7	12.64	88.48
3	ტელეფონი	ხაზები: 4 SIP ხაზი; ეკრანი: 2.4 ინჩი 320x240 მმ ფერადი LCD ეკრანი; პორტები: 2 x 10/100 მბ/წმ; ღილაკები: 34 ღილაკი, მათ შორის; კოდეკები: ვიწროდიაპაზონიანი გადაცემის კოდეკი: G.711a/u, G.723, G.726-32K, G.729AB, iLBC ფართოდიაპაზონიანი გადაცემის კოდეკი: G.722; სატელეფონო ცნობარი: 500 ერთეული; PoE მხარდაჭერით; სატელეფონო კონფერენცია: სამმხრივი;	10	115	1150
4	კვების ბლოკი	შემავალი ძაბვა: 100V-240V 1000mA გამომავალი ძაბვა: 5V/1A	10	8.85	88.5
5	ყურსასმენი	წონა, ყურსასმენი: 158 გ; საუბრის დრო: 8 საათამდე; აუდიო კონტროლი: გამორთვა/ჩართვა, მიკროფონის გამორთვა, დინამიკის ხმის აწევა/ჩამოწევა; კავშირი: Bluetooth®. შესაძლებელია ორი Bluetooth® მოწყობილობისთვის ერთდროულად; მიკროფონის ტიპი: Medium-length boom arm with Noise; დინამიკის სიჩქარე (მუსიკის რეჟიმი): 20Hz - 20kHz; დინამიკის გამტარუნარიანობა (კომუნიკაციის რეჟიმი): 150Hz - 6.8k; მიკროფონის სიხშირის დიაპაზონი: 150Hz - 6.8kHz;	4	279.02	1116.08
სულ ჯამი					4,366.17

“შემსყიდველი”

„სსიპ – თბილისის ტრანსპორტისა და ურბანული განვითარების სააგენტო“

სააგენტოს უფროსის მოვალეობის დროებით

შემსრულებელი
/ოთარ ჭიტიძე/



“მიმწოდებელი”

შპს “ტელეკო სისტემს”

დირექტორი

/ირაკლი გულიაშვილის/

ხელწერილი
ინტერესთა კონფლიქტის არარსებობის შესახებ

ქ. თბილისი

2023 წელი

ქვემოთ ხელის მოწერნი და ხელშეკრულების გაფორმებაზე უფლებამოსილი პირი ვადასტურებ, რომ ტელეფონების და ყურსასმენების სახელმწიფო შესყიდვაში (N 10 18/10/39) მონაწილე მიმწოდებელთან (შპს "ტელკო სისტემს") მიმართებაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ტენდერში მონაწილეობით ინტერესთა კონფლიქტში არ ვიმყოფებით.

„სსიპ – თბილისის ტრანსპორტისა და ურბანული განვითარების სააგენტოს“ უფროსის მოვალეობის დროებით შემსრულებელი



ოთარ ჩიტიძე

„სსიპ – თბილისის ტრანსპორტისა და ურბანული განვითარების სააგენტოს“ უფროსის მოადგილე



დავით ჯაიანი

„სსიპ – თბილისის ტრანსპორტისა და ურბანული განვითარების სააგენტოს“ ადმინისტრაციული სამსახურის უფროსი



ბონდო გასვიანი

„სსიპ – თბილისის ტრანსპორტისა და ურბანული განვითარების სააგენტოს“ ადმინისტრაციული სამსახურის პირველი კატეგორიის უფროსი სპეციალისტი (შესყიდვები)



ლევან ლორია